



Aningaasaqarnermut Naligiissitaanermullu  
Naalakkersuisoq

Ulloq: 03-06-2022  
J.nr.: 01.31.06/22-00983

### **Aningaasaqarnermut Akileraartarnermullu Ataatsimiititaliap tallimangornermi ulloq 3. juni 2022-imi aalajangiineranik Naalakkersuisunut ilisimatitsineq**

**Nuummi B-723-p Neriuffiit Kattuffiannut tunniunneqarnissaa. Ataatsimiititaliap suliaa nr. 01.31.06/22-00983.**

”Naalakkersuisut **inassutigaat**,

- Konto pingaarnermi 80.00.01 Nuussinissanut sillimmatini suliaq nr. 80.800 Nuussinissamat sillimmatini aningaasaliissutit 2022-mi 1,5 mio. koruuninik ilanngarneqassasut kiisalu
- Konto pingaarnermi 80.60.01 Peqqinnissaqarfimmi suliame nr. nutaami 46.037 Neriuffimmut tapiissutit, Nuuk aningaasaliissutit 2022-mi 1,5 mio. koruuninik ilaneqassasut.”

### **Aningaasaqarnermut Ataatsimiititaliap oqaaseqaatai apeqqutaalu**

Aningaasaqarnermut Akileraartarnermullu Ataatsimiititaliamut qinnuteqannginnermi inassuteqaatit uku Naalakkersuisunit akuerineqarsimasut Aningaasaqarnermut Ataatsimiititaliamit maluginiarneqarpoq:

”Namminersorlutik Oqartussat Nuummi illuutaat B-723, Rotary kollegiet, tulliuttunik piunasaqaaserlugu akiliutitaqanngitsumik Neriuffiit Kattuffiannut (Neriuffimmut) tunniunneqassasoq:

- Illup ullormi tiguineranit ukiut tallimat qaangiutsinnagit illu ingutseriarlugu, peqatigiiffiup illuutissaa sanaartorlugu aallartinneqarsimanissaa Neriuffiup qulakkiissavaa.
- Illumik ingutserinissamat, sanaartornerullu aallartissimanissaanut ukiunik tallimanik piffissaliussaq naammassineqanngippat, B-723 akiliutitaqanngitsumik Namminersorlutik Oqartussanut utertinneqassaaq.
- Nutaamik sanaartugassap inissimaffissaanut Neriuffiup pilersaarutai allangussagaluarpata, B-723-p allanut tunineqarnissaanut Neriuffik pisinnaatinneqassanngitsaq.
- Ingutserinissamat tapiiffiqineqarnissamik qinnuteqaat Aningaasaqarnermut Akileraartarnermullu Ataatsimiititaliap akuersissutigissappagu, illu ingutserneqareerpat tapiissutissat tunniunneqassasut.


- B-723-p tiginissaanik Neriuffiup qinnuteqaatini tunuartissappagu, B-723-luunniit Namminersorlutik Oqartussanut utertissappassuk, Nuummi B-723, Rotary kollegiet, tamanut ammasumik Namminersorlutik Oqartussat tuniniassagaat kiisalu
- Isummernissamut tunngavissiaq manna, Inatsisartut Aningaasaqarnermut Akileraartarnermullu Ataatsimiititaliaanut ilisimatitsissutitut ingerlateqqinneqarnissaa Naalakkersuisut akuersissutigissagaat”

Piumasaqaatit missingersuutitut ilanngussami allassimangimmata, taamaallaalli Naalakkersuisut isummernissaannut tunngavissiami allassimammata, piumasaqaatit siuliani allassimasut aalajangiinerminut atatillugu Aningaasaqarnermut Ataatsimiititaliap erseqqissarumavai.

### **Aningaasaqarnermut Ataatsimiititaliap aalajangiinera**

Siuliani allassimasutut oqaaseqaateqarluni Naalakkersuisut inassuteqaataat Aningaasaqarnermut Akileraartarnermullu Ataatsimiititaliamit **akuersissutigineqarput.**

Ataatsimiititaliaq sinnerlugu



Hans-Peter Poulsen

Aningaasaqarnermut Akileraartarnermullu Ataatsimiititaliap siulittaasua